



POLITICA D'UFFANTS E DA GIUVENILS
EN IL CHANTUN GRISCHUN

Actualitads da la politica d'uffants e da giuvenils

03 / 2022

Allegra, Ciao, Grüezi

Stimadas partenarias e stimads partenaris da la politica d'uffants e da giuvenils

Nus constatain cun plaschair: La politica d'uffants e da giuvenils en il Grischun persvada ed ha success: Differentas organisaziuns ed er vischnancas tractan temas da la politica d'uffants e da giuvenils ed envidan a discutir ed ad etablir contacts. Projects che han cumenzà cun success e projects innovativs mussan, co che participaziun funcziuna en la pratica. Nus As preschentan curtamain dus projects ch'èn vegnids sustegnids cun meds dal fond d'innovaziun da la politica d'uffants e da giuvenils

- 20avel di da furmaziun davart il tema participaziun d'uffants & giuvenils en il Grischun ils 15 da settember 2022 a Cuira
- Rapport intermediar dal project PAT – Emprender cun geniturs
- Project: Insieme da la vischnanca da Rossa
- Project: Promoziun tempriva da musica TGU da la Scola da musica Engiadin'Ota
- Dieta «Uffanza tempriva en la citad da Cuira» ils 26 d'october 2022 a Cuira

Prendai cun Vus ils inputs da la newsletter sco motivaziun en il temp da vacanzas. Nus As giavischain grondius muments da stad.

Salids amicabels

Susanna Gadiant

manadra da l'Uffizi dal servetsch social dal Grischun

Beat Hatz

manader dal project Politica d'uffants e da giuvenils
Uffizi dal servetsch social dal Grischun

**«Co reussescha la participaziun? Igl è
decisiv d'avair ina tenuta positiva
envers la participaziun sco er ils
instruments e las structurass
correspondentas. E la participaziun
sto vegnir exercitada. Mo sche uffants
e giuvenils fan l'experientscha, ch'els**

**pon sa far valair cun success, vegn lur
interess per la participaziun sveglià.»**

Susanna Gadiant, manadra da l'Uffizi dal
servetsch social dal Grischun



**Invitaziun al 20avel di da furmaziun
Participaziun d'uffants & giuvenils en il Grischun
15 da settember 2022, Cuira**

Ils temas en survista

Dretgs da cundecisiun d'uffants e da giuvenils: Nua èn els fixads e tge signifitgan els concretamain. Tge exempels existan per furmas da participaziun, structuradas e purschidas en vischnancas ed en il chantun, en baselgias ed en communitads. Tge mesiras èn necessarias ed empermettentas.

Il suentermezdi vegn cuntinuada la discussiun ed il barat en lavuratori, quai a maun d'exempels da good practice dal chantun:

- Cussegl da giuvenils da l'investgieu da Cuira
- Parlament grischun da mattas
- Il nov sistem electoral e l'access dals giuvenils a la participaziun politica
- Project per la participaziun d'uffants e da giuvenils en vischnancas grischunas
- Cumissiun da giuventetgna da la vischnanca da Stussavgia
- Vitg da muntogna favuraivel per giuvenils
- Sessiun dals giuvenils dal Grischun

Gruppa en mira: Il di da furmaziun sa drizza a persunas che lavuran en lur champ professiunal u che s'engaschan voluntarmain per uffants e giuvenils u che prestan en gremis communalas ina contribuziun a favur da la participaziun (p.ex. autoritads, cumissiuns da giuventetgna).

Program: [20a giornata della formazione](https://jugend.gr)

Annunzia: sin jugend.gr (ultim termin d'annunzia: 31 d'avust 2022)

Organisaziun: jugend.gr – Federaziun tetgala da la promoziun d'uffants e da giuvenils dal Grischun / chantun Grischun, Uffizi dal servetsch social dal Grischun, sector spezial Famiglia, uffants e giuvenils / Post spezialisà per la lavur da giuventetgna da la baselgia chantunala evangelica-refurmada / Post spezialisà per la lavur ecclesiastica da giuventetgna da la baselgia catolica dal chantun Grischun

«PAT – Emprender cun geniturs» ha cumenzà cun success



Parents as Teachers
Mit Eltern Lernen

Il program da promoziun tempriva «PAT – Emprender cun geniturs Grischun» è vegnì lantschà en las vischnancas da pilot Tavau e Cuira. Tutoras da geniturs cun scolaziun specifica accompognan gia emprimas famiglias che sa chattan en situaziuns engrevgiadas. Las experientschas èn positivass.

A Cuira è sa sviluppada ina nova, interessanta cooperaziun da Pro Junior Grischun cun la cussegliaziun da geniturs e cun la lavur cun giuvenils da Cuira. En il rom d'inscunters da gruppa per famiglias profitan er famiglias da PAT dal barat cuminaivel.

Ultim appel per la participaziun da pilot

Anc fin l'atun han las vischnancas la schanza da sa participar al project da pilot. Vischnancas interessadas s'annunzian tar Valeria Ciocco, Uffizi da sanadad dal Grischun Valeria.Ciocco@san.gr.ch.

Dapli infurmaziuns chattais Vus sut

- > program da promoziun tempriva «PAT – Emprender cun geniturs»
- > [Pro Junior Grischun](#)
- > infurmaziuns davart l'inscunter da gruppa [SPIKL](#) a Cuira

Project d'innovaziun Insieme da la vischnanca da Rossa

Insieme è in project entaifer las generaziuns da la vischnanca da Rossa che garantescha la participaziun dals uffants per concepì trais spazis da temp liber.

En il gaud u sin prads sviluppan e concepeschan uffants lur agens spazis tenor atgnas ideas e fantasias cun materials ord la natira. Sustegnids vegnan ils uffants da persunas creschidas che gidan cun lur resursas e cun lur savida. Participadas al project èn las scolass elementaras da la Val Calanca e da la regiun Moesa.



Las lavurs da l'emprima etapa a Rossa han cumenzà sonda, ils 11 da zercladur. Persunas creschidas han cumenzà a preparar la construcziun d'ina via per ils senns en il guaud. Uffants da la regiun vegnan ad emplenir la via cun differents materials: glera, sablun, crappa, puschas da pign, fists da lain e.u.v. L'idea per la via per ils senns han sviluppà las scolaras ed ils scolars da la val.

In'ulteriura etapa è planisada per il fanadur e la terza etapa per l'enviern. Cura ch'ils spazis èn terminads èn tuttats e tuttats envidads da giugar en e cun quels e da stgaffir atgnas ovras d'art en quests spazis; e quai durant mintga stagiun e durant mintga excursiun.



Project d'innovaziun Promoziun tempriva da musica TGU da la Scola da musica Engiadin'Ota



Bunamain mintga segund uffant da l'Engiadin'Ota frequenta ina canorta. Ils uffants derivan da passa 20 pajais e da tut las classas socialas. Il project da la promoziun da musica TGU porta l'educaziun musicala en las canortas e presta tras la musica ina promoziun tempriva simpla.

Las finamiras da l'educaziun musicala tempriva èn multifaras: Sur l'udida e sur il moviment emprendan ils uffants da viver il ritmus.

Els sviluppan uschia ina chapientscha musicala. Cun agid da differents exercizis sviluppan els lur motorica fina e groppa e scoleschan uschia lur autoperceziun e la conscienza da lur corp.

Las lecziuns da musica èn orientadas al gieu, al corp ed al moviment: I vegn fatg musica, experimentà, improvisà, ballà, ris, tadlà e senti. Ils uffants emprendan uschia da sa far valair, da sviluppar atgnas ideas e da prender l'iniziativa.

**Invitaziun «Uffanza tempriva en la citad da Cuira»
mesemna, ils 26 d'october 2022, da las 15.00 fin las 18.00
en il Rigahaus a Cuira**

Gia per la segunda giada s'inscuntran personas spezialisadas da Cuira ad in barat.

Program

- Actualitads dal di davart il tema uffanza tempriva en la citad da Cuira
- Svilups en il sector da l'uffanza tempriva en la citad da Cuira dapi il settember 2021
- Qualitad durant l'uffanza tempriva: discussiun davart in «standard da qualitad da Cuira»

Gruppa en mira: Persunas spezialisadas da l'uffanza tempriva da la citad da Cuira

Annunzia: ges.fruehekindheit@chur.ch (l'ultim termin d'annunzia: 2 da settember 2022)

Organisaziun: CI Uffants e famiglia, Center da famiglia Planaterra, citad da Cuira

Guardar novitads davart il project en l'internet sin l'agen computer

Politica d'uffants e da giuvenils dal Grischun

03/2022 / 22.06.2022

Contact: Beat Hatz, Uffizi dal servetsch social dal Grischun, kinderundjugendpolitik@soa.gr.ch

visar la newsletter

Impressum